



Broj: 05-19-44959-4/23
Sarajevo, 18.12.2023. godine

Na osnovu člana 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH broj 35/05), poglavlja VI tačke 1. Plana interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, br. 49/23 i 50/23-Ispravke), Ministarstvo komunalne privrede, infrastrukture, prostornog uređenja, građenja i zaštite okoliša donosi:

N A R E D B U

1. Proglašava se epizoda „Upozorenje“ u zonama **A, B, C i D** Plana interventnih mjera u slučajevima prekomjerne zagađenosti zraka u Kantonu Sarajevo (u daljem tekstu: Plan).
2. **Naređuje se**, u gore navedenim zonama, uz primjenu preventivnih i kontinuiranih mjera utvrđenih u tabelama 1. i 2. Plana, preduzimanje sljedećih mjera/aktivnosti u cilju smanjenja emisija u zrak (alineje 1-8) i zaštite zdravlja stanovništva (alineje 9-13), utvrđenih u tabelama 4. i 5. Plana i to:
 - Sva postrojenja za proizvodnju toplotne energije snage preko 50 kW koja koriste čvrsta goriva i teška lož ulja treba da smanje temperaturu u prostorijama koje zagrijavaju za minimalno 2°C,
 - Intenzivirati nadzor nad tehničkom ispravnošću vozila sa stanovišta sumnje na prekomjerno zagađivanje okoliša shodno Pravilniku o tehničkim pregledima vozila ("Službeni glasnik BiH" br.33/19),
 - Zabraniti izvođenje građevinskih radova na otvorenom prostoru koji produkuju emisiju prašine u zrak,
 - Zabraniti saobraćaj za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Bašćaršije do Nedžarića, sa preusmjerenjem saobraćaja na alternativne pravce kretanja.
Napomena: Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode
 - Zabraniti kretanja u zoni A automobila i teretnih vozila, čiji motori imaju normu EURO2 ili manju.
Napomena: Ovo se ne odnosi na vozila policije, inspekcije, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila invalidnih lica i vozila hitnih intervencija (civilne zaštite, hitne pomoći, vatrogasaca).
 - Osigurati protok motornih vozila bez dužeg zadržavanja na glavnim gradskim saobraćajnicama,



- Izvršiti, u zavisnosti od mogućnosti, pomjeranje početka radnog vremena u cilju rasterećenja kapaciteta javnog gradskog prevoza i gradskih saobraćajnica.
- 3. U cilju zaštite zdravlja stanovništva **naređuje se u zonama A, B, C i D** preduzimanje sljedećih mjera/aktivnosti utvrđenih u Tabeli 5. Plana i to:
 - Zabraniti javna okupljanja u smislu Zakona o javnom okupljanju KS radi sprečavanja ugrožavanja zdravlja ljudi,
 - Zabraniti sportske aktivnosti na otvorenom prostoru u smislu Zakona o sportu KS radi sprečavanja ugrožavanja ili pogoršanja zdravlja sportista,
 - Zabraniti boravak djece na otvorenom prostoru van školske zgrade za vrijeme velikih i malih odmora, te odvijanje časova tjelesnog odgoja u dvorištu škola,
 - Osigurati zaštitu radnika koji rade na otvorenom prostoru (poštari, policajci, komunalni radnici i dr.),
 - Upozoravati rizične grupe stanovništva na smanjenje kretanja i boravka na otvorenom
- 4. Za realizaciju ove Naredbe odgovorni su subjekti zaduženi za primjenu Plana, u skladu sa Tabelom 4. i Tabelom 5. Plana.
- 5. Ova Naredba stupa na snagu danom donošenja.



Dostaviti:

- Subjektima zaduženim za realizaciju mjera (putem e-mail-a)
- Evidenciji
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba